

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

Zaključak

**o obustavljanju postupka pokrenutog po Prijavi koncentracije privrednog subjekta Klas
d.d. Sarajevo**

**Sarajevo
februar 2014. godine**



Broj: 01-26-1-027-64-II/13
Sarajevo, 18. februar 2014. godine

Na osnovu člana 25. stav (1) tačka e), člana 42. stav (2) Zakona o konkurenciji («Službeni glasnik BiH», br. 48/05, 76/07 i 80/09) i člana 122. st. (1) i (2) Zakona o upravnom postupku («Službeni glasnik BiH», br. 29/02, 12/04, 88/07, 93/09 i 41/13), a rješavajući po Prijavi koncentracije privrednog subjekta Privredno društvo za preradu žitarica, brašna, proizvodnja prehrambenih i konditorskih proizvoda, ugostiteljstvo i turizam, vanjsku trgovinu i trgovinu na veliko i malo Klas d.d. Sarajevo, Paromlinska 43, 71000 Sarajevo, zaprimljenoj dana 4. oktobra 2013. godine pod brojem: 01-06-26-027-II/13, i Zahtjevu za povlačenje Prijave koncentracije privrednog subjekta Privredno društvo za preradu žitarica, brašna, proizvodnja prehrambenih i konditorskih proizvoda, ugostiteljstvo i turizam, vanjsku trgovinu i trgovinu na veliko i malo Klas d.d. Sarajevo, Paromlinska 43, 71000 Sarajevo, zaprimljenom dana 6. februara 2014. godine pod brojem: 01-06-26-027-63-II/13, Konkurencijsko vijeće Bosne i Hercegovine, na 82. (osamdesetdrugoj) sjednici održanoj dana 18. februara 2014. godine, donijelo je

Zaključak
o obustavljanju postupka pokrenutog po Prijavi koncentracije

- 1) Obustavlja se postupak pokrenut po Prijavi koncentracije privrednog subjekta Privredno društvo za preradu žitarica, brašna, proizvodnja prehrambenih i konditorskih proizvoda, ugostiteljstvo i turizam, vanjsku trgovinu i trgovinu na veliko i malo Klas d.d. Sarajevo, Paromlinska 43, 71000 Sarajevo, kojom namjerava preuzeti kontrolu privrednog subjekta "Sprind" d.d. Sarajevo, Rajlovačka cesta bb, 71000 Sarajevo, radi odustajanja Podnosioca prijave - privrednog subjekta Privredno društvo za preradu žitarica, brašna, proizvodnja prehrambenih i konditorskih proizvoda, ugostiteljstvo i turizam, vanjsku trgovinu i trgovinu na veliko i malo Klas d.d. Sarajevo, Paromlinska 43, 71000 Sarajevo.
- 2) Ovaj Zaključak je konačan i bit će objavljen u „Službenom glasniku Bosne i Hercegovine“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 4. oktobra 2013. godine pod brojem: 01-26-1-027-II/13, Prijavu koncentracije (u daljem tekstu: Prijava) privrednog subjekta Privredno društvo za preradu žitarica, brašna, proizvodnja prehrambenih i konditorskih proizvoda, ugostiteljstvo i turizam, vanjsku trgovinu i trgovinu na veliko i malo Klas d.d. Sarajevo, Paromlinska 43, 71000 Sarajevo (u daljem tekstu: Podnosilac prijave ili Klas Sarajevo), zastupanu po Veri Arnautović, Azize Šaćirbegović 122, 71000 Sarajevo (punomoć privrednog subjekta Klas Sarajevo, broj 4923/13 od dana 4. oktobra 2013. godine), kojom namjerava steći kontrolu nad privrednim subjektom SPRIND Sarajevska prehrambena industrija, d.d. Rajlovac, Rajlovačka cesta bb, 71000 Sarajevo (u daljem tekstu: SPRIND Sarajevo).

Podnosilac prijave istu je dopunio dana 14. oktobra 2013. godine podneskom zaprimljenim pod brojem: 01-26-1-027-1-II/13.

Konkurencijsko vijeće uvidom u podnesenu Prijavu je utvrdilo da nije potpuna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj 30/11), te je zatražilo dopunu iste, u skladu s članom 31. istoga Zakona, aktom broj: 01-26-1-027-2-II/13 dana 15. oktobra 2013. godine.

Podnosilac prijave u skladu sa zahtjevom Konkurencijskog vijeća je dostavio dio tražene dokumentacije, podneskom broj: 01-26-1-027-6-II/13 dana 25. oktobra 2013. godine, a Konkurencijsko vijeće je zatražilo dostavljanje kompletne dokumentacije od Podnosioca prijave aktom broj: 01-26-1-027-11-II/13 dana 30. oktobra 2013. godine i aktom broj: 01-26-1-027-19-II/13 dana 5. novembra 2013. godine, te isti je dostavio tražene podatke i dokumentaciju podneskom broj: 01-26-1-027-16-II/13 dana 4. novembra 2013. godine i podneskom broj: 01-26-1-027-25-II/13 dana 7. novembra 2013. godine.

Prijemom tražene dokumentacije Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona, aktom broj: 01-26-1-027-39-II/13 dana 28. novembra 2013. godine.

Podnosilac prijave je naveo, u smislu člana 30. stav (2) Zakona, da nema obavezu podnijeti zahtjev za ocjenu koncentracije nekom drugom tijelu za konkurenciju izvan teritorije Bosne i Hercegovine.

Konkurencijsko vijeće je utvrdilo da je Prijava podnesena pravovremeno, u skladu sa članom 16. stav (1) Zakona.

Konkurencijsko vijeće, u skladu sa članom 16. stav (4) Zakona o konkurenciji, je izdalo Obavijest o dostavljenoj Prijavi, akt broj: 01-26-1-027-9-II/13 dana 29. oktobra 2013. godine (objavljena dana 30. oktobra 2013. godine u dnevnoj štampi Bosne i Hercegovine), i pozvalo sve zainteresovane strane na dostavljanje pisanih komentara o namjeravanoj koncentraciji. Na predmetnu Obavijest nisu dostavljeni komentari zainteresovanih strana.

Na osnovu prikupljenih podataka Konkurencijsko vijeće je ocijenilo da bi namjeravana koncentracija, u smislu člana 9. Zakona, te odredbi Odluke o definisanju kategorija dominantnog položaja («Službeni glasnik BiH», br. 18/06 i 34/10) na osnovu podataka iz Prijave, koji se odnose na tržišne udjele na relevantnom tržištu i ekonomsku i finansijsku snagu učesnika koncentracije, djelovanje na tržišne konkurente i posebno efekte na krajnje potrošače, i ocijenilo da bi ista mogla imati za posljedicu ograničavanje i narušavanje slobodne tržišne konkurencije, odnosno stvaranje i jačanje dominantnog položaja učesnika koncentracije na relevantnom tržištu pekarskih proizvoda (hljeba i peciva) i polugotovih jela na bazi tijesta u Kantonu Sarajevo.

Također, budući da je Podnosilac prijave dostavio nepotpune podatke u Prijavi u vezi količina i vrijednosti proizvodnje i prodaje relevantnih proizvoda, te tržišnim udjelima učesnika koncentracije, Konkurencijsko vijeće nije moglo potvrditi vjerodostojnost i tačnost dostavljenih podataka bez dodatnih provjera i uspoređivanja istih sa podacima nadležnih institucija Bosne i Hercegovine.

Nadalje, Konkurencijsko vijeće je uzelo u obzir da je na osnovu Prijave namjere koncentracije privrednog subjekta Klas Sarajevo i privrednog subjekta SPRIND Sarajevo, zaprimljene dana 12.

avgusta 2008. godine pod brojem: 01-06-26-033-8-II/08, donijelo Rješenje broj: 01-06-26-033-65-II/08 od dana 6. aprila 2009. godine, kojim je ocjenjena nedopuštenom koncentracija navedenih privrednih subjekata na tržištu pekarskih proizvoda -hljeba i peciva i polugotovih jela na bazi tijesta na teritoriji Kantona Sarajevo.

Na osnovu iznesenog i budući da se predmetna koncentracija namjerava provoditi u osjetljivoj privrednoj djelatnosti, a njena realizacija može imati negativan uticaj na slobodnu tržišnu konkurenciju, a posebno na krajnje potrošače, Konkurencijsko vijeće je ocijenilo da nije moguće bez provedenog postupka donijeti konačno rješenje, te je donijelo Zaključak o pokretanju postupka ocjene namjeravane koncentracije, broj: 01-26-1-027-41-II/07 dana 28. novembra 2013. godine.

Konkurencijsko vijeće u postupku, u smislu člana 17. Zakona, je analiziralo efekte predmetne koncentracije na tržište, odnosno na strukturu tržišta u smislu da li se stvara ili jača dominantni položaj učesnika koncentracije nakon provođenja koncentracije, te postoji osnovana sumnja da može imati značajno narušavanje i ograničavanje tržišne konkurencije, u smislu člana 13. Zakona, te negativne efekte na stvarne ili potencijalne konkurente na tržištu, i na krajnje korisnike (potrošače).

1. Učesnici predmetne koncentracije

Učesnici koncentracije su privredni subjekt Privredno društvo za preradu žitarica, brašna, proizvodnja prehrambenih i konditorskih proizvoda, ugostiteljstvo i turizam, vanjsku trgovinu i trgovinu na veliko i malo Klas d.d. Sarajevo, Paromlinska 43, 71000 Sarajevo, i privredni subjekt SPRIND Sarajevska prehrambena industrija, d.d. Rajlovac, Rajlovačka cesta bb, 71000 Sarajevo.

1.1. Privredni subjekt Klas Sarajevo

Privredni subjekt Privredno društvo za preradu žitarica, brašna, proizvodnja prehrambenih i konditorskih proizvoda, ugostiteljstvo i turizam, vanjsku trgovinu i trgovinu na veliko i malo Klas d.d. Sarajevo, Paromlinska 43, 71000 Sarajevo, upisan u registar Kantonalnog suda Sarajevo pod matičnim brojem: 65-02-0016-10 (stari broj: 1-13235) (JIB: 4200495880005), sa upisanim osnovnim kapitalom od 50.937.748,00 KM.

Pretežne registrovane djelatnosti privrednog subjekta Klas Sarajevo su prerada žitarica, i proizvodnja brašna, proizvodnja pekarskih proizvoda (hljeba i peciva), polugotovih jela na bazi tijesta, prehrambenih i konditorskih proizvoda.

1.1.1. Povezana društva privrednog subjekta Klas Sarajevo

Privredni subjekt Klas Sarajevo u Bosni i Hercegovini ima preko 10,0% vlasničkog udjela, na dan 31. decembra 2012. godine, u:

Tabela 2.

R.b.	Privredni subjekt	Vlasnički udio
1.	Klass-Con d.o.o. Sarajevo	100,0%
2.	Gradska pekara d.o.o. Novi Travnik	79,92%
3.	Mlin i pekara d.d. Ljubače -Tuzla	75,25%
4.	SPRIND Sarajevo	48,99%
5.	Žitozajednica d.o.o. Sarajevo	11,11%

Izvor: podaci iz Prijave

1.2. Privredni subjekt SPRIND Sarajevo

Privredni subjekt SPRIND Sarajevska prehrambena industrija, d.d. Rajlovac, Rajlovačka cesta b.b., 71000 Sarajevo, osnovan dana 8. jula 1991. godine, i upisan u registar u Kantonalnom sudu Sarajevo pod matičnim brojem: 65-02-0014-11(stari broj:1-1589) (JIB: 4200279320003), sa upisanim osnovnim kapitalom od 2.836.800,00 KM.

Pretežne registrovane djelatnosti privrednog subjekta SPRIND Sarajevo su proizvodnja i prodaja hljeba i peciva, polugotovih jela na bazi tijesta, prehrambenih i konditorskih proizvoda.

Privredni subjekt SPRIND Sarajevo nema 10,0% ili više vlasničkih udjela u osnovnom kapitalu, odnosno 10,0% i više prava glasa niti u jednom privrednom subjektu u Bosni i Hercegovini.

2. Pravni osnov i oblik predmetne koncentracije

Podnosilac prijave je naveo kao pravni osnov predmetne koncentracije Odluku Nadzornog odbora privrednog subjekta Klas Sarajevo, broj: 4130/13 od dana 26. septembra 2013. godine i Odluku Nadzornog odbora privrednog subjekta SPRIND Sarajevo, broj: 486/13 od dana 26. septembra 2013. godine o pripajanju privrednog subjekta SPRIND Sarajevo privrednom subjektu Klas Sarajevo.

Pravni oblik predmetne koncentracije u skladu sa članom 12. stav (1) tačka a) Zakona, predstavlja pripajanje jednog nezavisnog privrednog subjekta (privredni subjekt SPRIND Sarajevo) drugom nezavisnom privrednom subjektu (privredni subjekt Klas Sarajevo).

3. Zahtjev za povlačenje Prijave

Podnosilac prijave, aktom zaprimljenim pod brojem: 01-26-1-027-63-II/13 od dana 6. februara 2014. godine, je obavijestio Konkurencijsko vijeće o povlačenju Prijave, odnosno odustajanju od provođenja koncentracije, radi promjenjenih okolnosti kod učesnika koncentracije.

Na osnovu člana 122. stav (1) Zakona o upravnom postupku stranka može odustati od svoje prijave (zahtjeva) tokom cijelog postupka, a prema stavu (2) istog člana kada je postupak pokrenut po prijavi stranke, a stranka odustane od svoje prijave tijelo koje vodi postupak donijet će zaključak kojim se postupak obustavlja.

Konkurencijsko vijeće je na osnovu navedenog odlučilo kao u tački 1. dispozitiva ovoga Zaključka.

5. Administrativna taksa

Podnosilac prijave na ovaj Zaključak, u skladu sa članom 2. stav (1) tarifni broj 108. tačka b) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u ukupnom iznosu od 500,00 KM u korist Budžeta institucija Bosne i Hercegovine.

6. Pouka o pravnom lijeku

Protiv ovoga Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

Predsjednik

Gordan Raspudić